

徐州府志卷之二十二

列女上

婦人從一而終常道也惟賢德出衆與夫遭患難  
遇強暴百折不回矚然不滓者爲可傳焉近歲  
朝廷旌典廣被凡捐軀殉夫及守節三十年者咸得表  
厥門閭貞節之多至於不可勝紀然其間或貧苦  
無力子孫衰微沒身不彰者又未必無也舊州志  
列女繁冗尤甚今慎錄其事蹟餘或以名附見以  
年例獲旌者亦概得備書

銅山縣

徐州府志

卷二十一

列女

一

銅

晉

何無忌母劉氏彭城人征虜將軍建之女也弟牢之  
爲桓宏所害劉氏每銜之常思報復及無忌與劉  
裕謀而劉察其舉措有異喜而不言會無忌夜於  
屏風內制檄文劉氏潛以器覆燭徐登梯窺之既  
知泣而撫之曰我不如東海呂母明矣汝能如此  
吾讐恥雪矣因問其同謀知事在裕彌喜乃說宏  
必敗義師必成之理以勸勉之後果如其言

南北朝魏

封卓妻劉氏彭城人成婚一夕卓官於京師後以事

伏法劉在家忽夢想知卓已死哀泣嫂喻之不止  
經旬凶問果至遂憤歎而死時人比之秦嘉妻中  
書令高允念其義高而名不著爲詩八章以表之

王孝女徐州人字和子元和中父兄皆防秋屯涇州  
吐蕃寇邊並戰死和子年十七單身被髮徒跣縷  
裳抵涇屯日丐貸護二喪還葬於鄉植松栢剪髮  
壞容廬墓所節度使王智興白狀詔旌其門

關盼盼張建封妾也能詩爲建封愛重建封薨盼盼  
感恩誓守獨居燕子樓十年無貳志作詩三百餘  
章皆以寫其哀慕建封從子仲素於漢上見白居易  
易爲述之居易咨歎和其詩三章復寄一絕微風  
焉仲素歸覲從祖母出白詩轉示盼盼讀之泫曰  
自我公薨妾非不能死恐百載後以我公重色有  
從死之妾是玷我公也遂答一絕不食而卒

段二妻謝氏元末亂舅姑夫俱死謝年二十六一子  
甫六歲又貧無倚乃依父家守志年八十二卒洪

武中旌表

以下  
節婦

王五妻薛氏年十八夫亡生子甫數月誓不更適

紡績撫子成立正統中旌表

李綱妻魏氏學正鬻女年二十夫亡無子誓不他適  
晝夜惟與夫靈座相對所居一室蕭然門扉常掩  
惟取薪水始一啟庭內榛莽蕪沒聞者咸嗟憫魏  
處之晏如紡緝自給垂四十年宏治中旌表

石嵩妻馬氏教授蕙女也嵩歿子城六歲苦節撫孤  
城長延從兄暎教之學既領鄉薦尋亦歿歿馬辟  
纊自給杜門不出雖至親亦罕見之有司奏旌其  
門

李華妻甄氏夫亡止一女甫周歲父欲奪之甄以死

徐州府志

卷二十一

列女

三

銅

誓守節五十餘年卒宏治 旌表

張頤妻伊氏夫亡無子伊親自殯葬以死守之姑欲  
奪其志遂自經墓側

周杲妻權氏學士謹孫女也年二十餘杲歿子甫四  
歲權哀毀幾絕嘗自經家人覺救諭以託孤大義  
乃止後貧苦益甚所居不蔽風日惟勤女紅以自  
給守節五十餘年年八十一終詔旌其門

梁信妻徐氏早寡無子守志養姑以節孝聞

李璽妻邵氏于歸二年夫歿邵守遺腹子鯨撫之成  
立生二孫鯨夫婦復亡又撫其孤有成事聞旌表

生員李三省妻譚氏指揮譚師伋女年十五適李生  
二子崇本崇香三省病歿譚年二十有五痛哭欲  
絕翁姑勉以撫孤大義強就飲食茹苦奉親卒襄  
大事教二子皆成名有司奏旌其門卒年九十有  
三

王偉妻吳氏年二十餘夫亡鞠二子成立詔旌其門  
百戶王元妻高氏州人元督兵征倭陷陣死氏守節  
課子成名有司奏聞詔賜建忠節坊

生員尹湯聘妻畢氏州人聘以哭母致疾卒氏年十  
七念翁老而瞽刺繡以養翁歿解衣營殯殮詔旌

徐州府志

卷二十一

列女

四

銅

表

張氏州御史張鶴鳴女適滕縣舉人黃昌年昌年歿  
張年二十三依母家居遺孤家瑞始六齡朝夕訓  
誡後登進士歷官開府

董霑妻薛氏笄年早寡守節終身

倪祿妻張氏州人祿官指揮以征倭功擢福建遊擊  
倭寇再至祿戰死張以倪氏無子姑年八十無所  
託乃毀容矢節事姑臺使旌其門

吳春安妻藺氏州人春安官百戶蚤亡氏年二十  
遺一瞽兒亦天姑黃氏年老家貧女紅以養姑

大臺氏服事甚謹三十餘年不違左右

徐邦泰妻沈氏甫生子而夫亡撫孤誓守辟纊自給  
遇歲凶至日不舉火有司旌之

胡佩妻李氏州人佩早亡李年二十五孝事老姑撫  
孤世明成名嘗收養孤侄讓鄰侵地焚夫所遺債  
券尤多隱德壽八十一有司旌其門

王源妻趙氏州人生子養心甫三月夫亡趙年十九  
守節五十年訓子成名

魏氏百戶魏一清女適千戶徐增基自幼莊靜不苟  
言笑年十九夫亡撫三歲孤成立守貞數十年

徐州府志

卷二十一 列女

五

銅

易從義妻魏氏徐州衛指揮魏廷璋女年十

閱七載夫亡撫二歲孤成立守節數十年

生員舒懷吉妻司氏生子六月懷吉病歿司貧

節教子鶴齡髫年爲諸生諸孫俱列饗序卒年七  
十餘

王一正妻伊氏年二十四夫亡家貧于幼苦節終

廩生宋增妻李氏年二十二增歿家赤貧守節撫孤

孤年十六將授室而歿李吳之慟遂死里人哀之  
生員張光範妻王氏州人夫早卒家貧甚又以戍籍  
故內外侵凌氏含哀課子際盛際明同時補諸生

生員孫廷選妻喬氏廷選歿喬方有身後產男家貧甚紡緝刺繡以撫其子常至日中不舉火後子成立年七十餘而卒

生員馬煬妻吳氏

貢生吳志高妻張氏教諭 鶴長女

沙怡妻鄭氏沙鑰妻黃氏

顧雲程妻王氏

指揮魏維翰妻王氏徐州衛指揮王漢女

畢文萃妻高氏

主學庸妻李氏

徐州府志

卷二十一

列女

六

銅

杜先華妻王氏

杜先榮妻段氏

王俊民妻顧氏

經歷賀國輔妻單氏

以上十二人並早寡撫孤成立守節各數十年

縱爾翼妻宋氏年二十夫病歿宋欲死殉家人防之

越四日乘間自經詔旌其門

尹鎬妻霍氏年二十夫亡無子自經死正德六年旌

表

居瀚妻孟氏年二十餘夫亡自經

劉孝妻李氏笄年歸孝孝邁弱疾李侍湯藥衣不解

帶者三月及歿不食五日自經柩側

陸鯨妾單氏年二十鯨疾革誓與同死既屬纊卽自經

金齋妻陳氏年十九夫亡自經

蔣維賢妻張氏夫亡蔣卽夕自經死詔旌其門

張氏宿州人適徐州生員陳王道夫亡自經旌表

生員岳夢熊妻王氏三槐長女夫歿飲鴆自殺事聞旌表

張氏宿州人適徐州生員武金璽夫亡自經旌表

魏嘉賓妻張氏蘇州訓導張挺女夫亡自縊旌表

徐州府志

卷二十一 列女

七

銅

杜元禎妻王氏夫亡自縊旌表

李得一妻曹氏夫亡自縊旌表

劉永源妻楊氏夫亡不食十四日死詔旌其門

監生張有容妻李氏嫁九年無子天啟四年容患穢瘡死李卽自縊同棺殮焉事聞建坊旌表

張爵妻石氏訓導天衢女爵疾革石先一日自經有司旌獎

周氏東阿教諭周槩女適豐縣孫繼忠夫亡自經有司旌其門

生員吳廷杰妻陸氏廷杰病歿陸哀號欲死其母防

之甚嚴乃三日不食乘間自經時年二十有一

韓永慶妻左氏年十九夫歿自經以殉

王前士妻李氏生一女年十五崇禎九年避流賊潛

居劉村賊突至焚掠李與女俱罵賊被殺

畢廷試妻陳氏年二十四夫病亟氏先自服毒其父

救之泣曰女殉夫經也不死將改節乎卒先死

以上

烈婦

丁氏女徐州人許字葉孟春孟春病歿女即自縊死

年十有七事聞旌表

王氏女訓導王三槐女許字同里陳洪謨洪謨以疾

徐州府志

卷二十一

列女

八

銅

天女即日自縊死年十有六事聞旌表

殷氏女生員殷栢女許字吳汝璐汝璐病死女往視

殮回即自縊吳氏迎屍與夫合棺葬焉

陳氏女胡山陳于殿女崇禎十年流寇至欲逼之去

女堅不從以刃加其頸益大罵被殺時年十六

以上

烈女

本朝

萬天祺妻畢氏天祺歿遺孤穆甫三齡畢 之至成

立為諸生

氏袁國祥母國祥生一歲而孤孫矢節教子國



由監生官順天經歷

楊文伯繼妻張氏年二十二夫歿子枝榮六歲依兄  
枝秀張紡緝課讀甘貧苦守枝榮既長有聲鬢序

順治中旌表

汪養成妻盧氏于歸後孝事舅姑睦於妯娌年二十  
八養成爲土寇所害遺二子皆數歲氏忍死爲撫  
孤計稍長督之學艱苦備至日夕涕泣賫恨而歿  
後次子洒然爲諸生

馮國祥妻姜氏年十六于歸國祥早歿守節課子歷  
四十餘年

徐州府志

卷二十一

列女

九

銅

孟述堯妻武氏徐州衛人年二十一夫亡遺孤三歲  
翁姑皆老家貧甚武紡緝糊紙鏹以供朝夕子尚  
智成立傭作贍母勉襄祖妣大事時人稱之

喬尚義妻趙氏年二十夫歿遺子嶽方三月或凌逼  
之欲利其產趙誓死無二養姑訓子嶽年十八入  
庠

丁廷槐妻周氏徐州人遊擊周懷女夫亡守節奉姑  
撫孤熾成立爲河標中軍守備康熙十年 旌表  
趙汝伯妻王氏夫亡孝養翁姑撫孤成立康熙十年

旌表

生員吳廷焯妻張氏夫亡守節康熙二十年 旌

生員吳相妻楊氏夫亡守節教子士鵬成立爲諸

康熙四十三年 旌表

居住熙妻陶氏夫病狂不可近陶謹護持十年不怠

旣死翁姑窮老值歲凶日出掇水草蓄苗雜屑樹

皮以俱教三子甚嚴稍長卽能自食其力娶冢婦

未幾而天遣一孫方數月陶自養之乳忽復湮哺

孫遂得長成里人異其事康熙三十五年 旌表

王夢鳳妻朱氏年二十六夫亡孝事翁姑教子大成

年十四卽爲諸生守節六十餘年康熙二十四年

徐州府志

卷二十一

列女

十

銅

旌表

韓啟銓妻苗氏夫亡守節康熙四十五年 旌表

生員李乘龍妻沙氏乘龍歿沙年二十五孝養翁姑

教諸孤成立子鶴年婦王氏亦以早寡守志勤苦

治家孫子千婦薛氏更以自縊殉夫一門三世貞

烈

申崇熙妻張氏徐州人年二十九夫亡剪髮誓守養

舅姑育孤子歷四十餘年

嚴登魁妻楊氏徐州人登魁以候補守備從征土

死事時楊年二十七翁姑衰老三子皆幼養

死教育諸孤年八十九以無疾終子鼎婦張氏鬻婦畢氏皆早寡依於姑撫子成立人稱一門三節張兆熊妻李氏徐州人明崇禎九年流寇掠徐兆熊遇寇於長山被殺賊退李同家人往尋得屍山下將昇歸而胎傷產子因名之日長山自是矢志守貞恪事舅姑撫孤成立苦節五十年

汪江妻李氏徐州衛人年二十二夫亡守節撫孤至九十二歲終

張占鰲妻周氏徐州人年二十四夫亡守孤族人利其貲產謀奪其志數加以橫逆周不得已稍分田

徐州府志

卷二十一

列女

十一

銅

宅子之意終未滿將害其孤乃遷居避之卒獲全苦節三十七年

李養廉妻趙氏徐州人年二十三夫亡躬勤織紡教子成人數十年履不踰闕

周文魁妻劉氏魁早亡氏矢志撫孤脩嘗諸艱教子贊化善屬文工書畫稱郡庠名士孫曾相繼入泮生員吳儀妻郭氏儀早卒無子郭年二寸有二誓奉孀姑立夫從子爲後守節三十餘年

生員張汝麟妻薛氏前舍人薛國翰女夫亡孤在襁褓氏苦志四十年教子廷樞廷梅成名

智妻李氏夫病刲股以進夫歿教遺孤惠

成立苦節三十餘年

王宗印妻丁氏徐州人嫁逾年吳死無子舅姑欲奪其志氏誓不再適紡織以養舅姑年八十隣里猶罕覩其面

吳朝幹妻李氏徐州人年二十一夫亡撫孤光祖成立守節數十年後氏病子婦馬氏割股以進病遂愈人稱一門節孝

張大洪妻陸氏年二十八夫亡無子家貧矢志守節康熙四十八歲饑夫弟大用劫縛氏嫁之於屠

徐州府志

卷二十一

列女

十二

銅

家氏誓死

碗自毀其面隣里送歸陸氏訴

有司治

苦節至六十六歲而卒

貢生蕭

妻

氏夫歿氏年二十四事翁姑盡孝

教 慈嚴兼

今二子允懷先協俱成立里黨咸

以節孝見稱

吳氏薰縣舉人吳愔女適監生李昌俊年二十九而寡守節奉翁姑終養嗣姪有源成立今五十四歲吳 太學生杜大涵事翁姑及太姑得其歡心未幾相繼亡湯藥喪葬皆相病夫合禮節夫故氏痛系絕 子爲嗣子幼弱思生母屢歸氏恩勤

愈篤苦節 依委曲成全以成厥志太守石公獎

志矢

副貢吳佳藩妻王氏 孫叔美妻曹氏

孫世瓚妻王氏 張熾妻孫氏

生員蔣惟清妻吳氏 王永嗣妻張氏

張茂榮妻趙氏 蕭長世妻張氏

杜先疇妻張氏 張文顓妻賀氏

主員張文藻妻崔氏 趙應麟妻郭氏

生員申永禛妻丁氏 王相辰妻劉氏妾李氏

姚名輔妻齊氏 生員張翹妻王氏

徐州府志

卷二十一

列女

十三

銅

張志宇妻梁氏 杜先庚妻丁氏

張起雲妻姚氏 史楷妻張氏

蘇士進妻孫氏 孟瑄甫妻石氏

佶妻劉氏 高拱斗妻劉氏 以上二十四人皆舊

載旦寡守經旌表者

妻徐氏徐州人夫早亡守節雍正二年 旌

妻蘇氏徐州人夫亡守節雍正四年 旌

表

周氏徐州人年二十五夫亡守節四十四

年雍正四年 旌表

曹文明妻李氏徐州人夫亡氏不食七日親族勉以大義強起事姑盡禮教諸子成立雍正五年 旌表

牛國楚妻張氏徐州人夫早亡家貧紡織以供甘旨教二子汝亮文舉俱成名雍正五年 旌表

陳應彪妻靖氏徐州人夫亡守節育夫兄孤子女皆成立教子韜成武進士雍正五年 旌表

曹榛妻吳氏徐州人年二十一夫病割股以進夫歿撫七月孤濂教以成立雍正五年 旌表

徐州府志

卷二十一

列女

十四

銅

生員單果育妻王氏妾薛氏俱銅山人夫亡並守節五十餘年雍正十一年 旌表

生員陳琮妻滕氏銅山人琮事親孝性嗜學早卒氏年二十二上事舅姑下撫遺腹子象復力學成立守節五十六年雍正十二年 旌表

韓永蔭妻陶氏銅山人永蔭性好施濟氏每贊成之善事舅姑永蔭卒自誓死殉家人救免遂教子成名雍正十二年 旌表

趙大爵妻周氏銅山人年二十一夫亡子方三歲髮自誓家貧鍼黹自給子早亡復與孀媳王氏教

育諸孫雍正十二年 旌表

監生李衡妻陳氏銅山人年二十二衡歿二子繼殤  
大慟不食適姒子星垣生彌月姑令陳抱爲已子  
鞠育成立事姑數十年不懈星垣以武進士及第  
官侍衛晉封陳夫人雍正十二年 旌表

候選州同張燭妻鄧氏銅山人年二十六夫亡孝事  
老姑教子三人俱成名苦節四十五年乾隆四年  
旌表妾王氏亦守節四十餘年

侯起化妻楊氏銅山人年二十四夫亡守節三十四  
年乾隆四年 旌表

徐州府志

卷二十一

列女

十五

銅

貢生張彥聖妻王氏僉都御史黃岡王材任之女年  
十七夫亡撫侄秉信爲嗣禮法自持足不踰戶宗  
黨欽重乾隆四年 旌表

韓宏大妻王氏銅山人年二十九夫亡事孀姑撫孤  
子文成立守節五十五年卒文妻王氏年二十八  
文病歿與姑同志撫子元皓成立守節四十五年  
卒元皓妻杜氏年二十八夫又亡養孤鞠子守節  
三十餘年一門三節乾隆四年 旌表

袁渡妻董氏銅山人年二十四夫亡守節三十四年  
乾隆四年 旌表

趙溥妻王氏銅山人年二十二夫亡守節三十二年

乾隆五年 旌表

候選縣丞袁鑑妻朱氏銅山人年二十四夫亡守節

四十三年卒見請 旌

王琮妻黃氏銅山人年二十三夫亡守節五十餘年

乾隆四年請 旌

楊國棟妻鄭氏銅山人年二十夫亡守節三十五年

乾隆四年請 旌

周宗周妻朱氏銅山人年二十六夫亡守節三十四

年乾隆五年請 旌

徐州府志

卷二十一

列女

十六

銅

張廣奇妻劉氏銅山人年二十六夫亡守節三十四

年乾隆五年請 旌

吳宜妻岳氏銅山人年二十二夫亡守節三十一年

乾隆五年請 旌

許鴻恩妾蘇氏銅山人年二十七夫亡事嫡甚謹撫

所生子興臣興國皆成立守節三十九年乾隆五

年請 旌

劉美妻李氏年二十九夫亡守節三十年乾隆四年

請 旌

劉鼎繼妻許氏年二十八夫亡養親撫孤守節四十



二年乾隆五年請 旌

張大成妻辛氏年二十九夫亡孝養翁姑訓誨二子族人罕見其面守節五十九年卒年八十七次子恒妻黃氏年二十七恒歿與姑同志守節三十六年乾隆五年並請 旌

趙宸妻米氏年二十五夫歿守節三十年乾隆五年請 旌

李遇春妻韓氏

李檜妻耿氏 以上二人並早寡完節乾隆六年 旌表

彭崑妻楊氏年十九于歸十載夫亡三子俱幼姑老

徐州府志

卷二十一

列女

十七

銅

家貧紡績以供菽水子長授室未幾相繼天又撫其孫守節四十六年卒乾隆六年請 旌

生員段如璜妻薛氏年二十六夫歿舅姑在堂子秉則方四歲氏仰事俯育備極艱辛後秉則又歿遺二孫皆賴氏成立計苦節四十一年現年六十一歲乾隆六年請 旌

李清理妻杜氏年十七適李孝事孀姑夫亡氏年二十八矢志守節撫二子成人現年九十八歲乾隆六年請 旌

李霍年妻王氏

岳欽妻武氏

以上二人俱夫亡  
守節奉 旨旌表

生員李明斌妻陳氏本縣生員陳四可女年二十三夫亡號慟絕粒欲以身殉姑慰之曰汝子俱幼吾與翁且老汝死其將誰屬乃勉從姑命率妾季氏孝事舅姑撫嗣子成人歷苦節各五十餘年當代巨卿多給額獎之

江成業妻徐氏年二十三夫亡子甫二歲翁姑俱老無伯叔兄弟家徒四壁氏紡績養親及歿經營喪葬撫孤至二十歲亦亡苦節五十一年

吳李氏貢生李愿女年十九適貢生吳士駿歿遺

徐州府志

卷二十一

列女

十八

銅

子椿年松年甫數歲上有老姑李竭力孝養生死盡禮鞠二子成立椿年娶工科給事中闔圻女松年娶郡庠生祁振鐸女松年早卒乏嗣椿年亦亡遺孤作忠二氏共厲冰操與姑同志一門三節里黨咸稱頌之

李以申妻馬氏豐縣生員馬四彪女年十八適李三載夫亡公姑在堂一子方襁褓氏仰事俯育艱苦備嘗年七十而終

鄭天祥妻魏氏于歸時翁患瘋癱臥床氏奉湯藥不懈夫亡尤竭力事翁二十餘載翁歿哀禮兼盡夫

弟天德貧不能舉火氏收養於家儉以自持嚴於課子計苦節三十三年

李久妻韓氏本縣生員韓朴女年二十五而寡矢志守節撫孤詔比長授室詔又天擇從孫莊嗣詔以主先祀愍勲教育無異所生歷四十一年

崔奇妻趙氏年二十夫亡翁貧老氏以女紅供朝夕後翁姑歿族人感其孝其助棺以殮守節五十九年人無識其面者

孫志晉妻汪氏年二十三夫亡堅志守節歷三十九年而卒

徐州府志

卷二十一

列女

十九

銅

孫志咸妻徐氏 誥封通奉大夫徐國珍女年十七于歸至二十三夫歿守節三十九年卒

孫志豫妻金氏年二十一而寡矢志守節閱二十九年

朱左註妻汪氏年二十三適左註六載夫亡歷苦節四十三年現年七十一歲

吳廷榮妻周氏年二十七夫亡守節現年八十七歲  
吳士紹妻單氏于歸時年十七五載未亡守節至今六十一歲

羅岐妻柴氏年二十三夫歿守節三十四年卒

張文傑妻滕氏年二十一歸文傑越五載而夫亡守節四十年現年六十四歲

張文俊妻郭氏年二十九夫歿守節四十四年而卒  
杜鴻縲妻李氏嫁時年甫十九至二十七鴻縲歿守節終身

吳志楷妻汪氏年二十早寡歷苦節三十年

吳志梁妻丁氏年十七適梁四載夫歿矢志不二現年五十歲

吳錯妻王氏夫亡年二十九守節四十八年現年七十六歲

徐州府志

卷二十一

列女

二十

銅

生員陳汝梅妻李氏年十九于歸七載夫歿守節四十年

車熙年妻周氏年二十四夫亡厲志守節現年七十二歲

薛文舉妻劉氏年十七適文舉四載夫歿歷苦節二十九年

薛文臣妻孔氏聖裔孔衍璽女于歸時年十八至二十六夫亡勤辛守節現年五十一歲

以上節婦

劉景高妻徐氏徐州人姑疾篤禱神刲股作羹以進食之而愈徐亦若有神相絕無痛苦

劉景越妻陳氏徐州人善事 姑 病

數月弗怠病革陳皇遽祝天割股以療病遂瘳

生員張鈺妻吳氏徐州 事姑至孝鈺赴淮應試姑

病劇吳割股作羹雜雞臠以進姑疾頓愈

以上孝婦

麟妻韓氏銅山人生於明崇禎十二年至今乾隆

五年壽一百二歲六年 旌表

壽婦

彭氏蕭諸生彭萬程女適徐人陳子沅沅病數載彭

侍藥餌無懈及歿出簪珥盡散之越三日自經死

海烈婦徐州人適同里陳容家貧值歲歉而容庸懦

不能治生聞海有兄子爲松江軍弁夫婦偕往依

徐州府志

卷二十一

列女

二十一

銅

之不遇還寓常州有市僧窺海有姿貌僞與容交

懽數詣海室輒拒不納甚慚恨鳳陽衛運丁林顯

瑞者僧知其潘兇乃爲言海美嗾令自圖林使其

黨故與容爭窘辱之已後至出錢爲解容不悟其

謀反感焉居數日林欲挈容夫婦附其糧艘還徐

海深以爲疑容怒強之登舟時天甚寒海 衣

絮林餽食陰遺衣皆謝不受尋令容市 於蘇

阻容不聽乃儲薪水餼糧閉艙以待容還 每

之不從忽一夜乘酒破門入海大呼殺人衆驚

乃潛逸去海自知難免密 上下衣履使

次夜林果復入以器擊之傷而走海號泣至夜半  
遂自經死時康熙六年也林懼埋屍糧中擬出境  
沉之江又遣水手藍九廷往殺容九廷弗忍與俱  
訴官勘實林伏辜海 旌表常人爲立廟西門外  
運河旁 按通志載其夫作陳有量蓋名容而字有量也  
鍾玉妻黃氏夫亡自縊康熙三十四年 旌表  
趙體義妻謝氏夫亡誓以死殉家人以遺腹勸止後  
孤復天謝盡捐簪珥禮葬翁夫二柩畢投繯死康  
熙三十五年 旌表

馮康運妻高氏睢寧人居徐州夫赴試溺死於河高

徐州府志

卷二十一

列女

二十一

銅

聞訃卽自經死奉 旨表曰節孝之門

劉自坦妻李氏徐州人夫亡自縊

李碩妻苗氏徐州人夫亡殮畢自經死

鄧炎妻梁氏黃村人性靜正能修婦職未數年夫歿

殮夫畢自縊死時年二十三

生員時昭妻江氏徐州人昭病歿江殮夫畢卽自縊

李子千妻薛氏年二十于歸甫三月夫殞悲不自勝

卽縊死

李助妻朱氏徐州生員朱紳女年二十一適李八月

助以暴疾死殮畢卽扃戶縊於棺側

生子方彌月誓死守至四歲子復夭乃請舅姑立從子以爲夫後遂俾藥死

王進禮妻高氏年三十三夫亡飲藥死隣里憐之爲斂貲葬焉

周維藩妻高氏夫亡不食三日夜自經時舅姑夢其夫婦泣拜驚起呼婦已氣絕矣

監生張宏基妻滕氏賢而無子以夫弟子爲嗣夫亡嗣子繼天氏哀痛不食自縊死知州白潔旌其門王永晉妻何氏于四月夫亡氏號痛幾絕七日不

徐州府志

卷二十一

列女

二十三

銅

食自縊死雍正八年旌表

呂祖植妻朱氏于歸五載夫亡晝夜哀號五日不食自經死

王之瑞妻張氏成婚八載夫亡終日號泣勺飲不入口視殮畢投繯死

程公爵妻鄭氏銅山人夫亡欲以死殉家人勸以撫孤守志未越月孤又殤卽閉戶自經妾高氏亦同日投繯死乾隆六年請旌以上烈婦

張氏女名秀徐州人自幼許字胡欽年二十一欽家期以秋娶及夏而欽歿女不食二日自縊死與欽

同葬

殷氏女名二立徐州農家子有容德精女紅年及笄許字程國璽無何國璽病亡女聞卽自經家人救之絕粒二日飲藥死

潘雲漢女徐州人許字張廷栢將及笄而母歿依於祖母叔父某佐濬邑迎祖母之官女從焉癸未秋廷栢病歿問至祖母知女性烈匿不言逾年一老婢洩之女悲慟不食七日死時年十七父哀其志爲致喪合葬廷栢之墓

楊建中女徐州人生而穎慧五六歲時授以孝經輒

徐州府志

卷二十一

列女

二十四

銅

解其義父嘗見花間 出句使對曰花間雙蝶舞女應聲曰天上一鸞飛父聞之愀然弗悅已許字沙氏子上蘭未嫁上蘭夭訃至女知之不敢泣託疾臥勺水不入口父母勸諭至泣下乃強起陽如平常家人因不疑夜整衣履自經死時年十八父母痛之猶冀其復甦至三日始殮時方盛夏顏色不敗

李女 字王延 延齡殞父母聞之戒家人勿言貧七日親戚來唁女始知悲痛欲絕母嚴防之因言給母防 懈遂自經死時年二十一



胡氏女徐州衛人許字陳肇祥肇祥歿女往弔欲死

殉翁姑以肇祥弟子爲其後命撫育至十齡復歿

遂不食死

以上烈女

張孝女徐州人張翹女方亂時父忽遭痰疾舉室倉

皇諸兒女繞床泣女獨入小閣潛禱佛前願以身

延父算取剪刀割股肉暗置藥內父飲藥漸瘳越

兩月愈女始微露於母前一時戚黨傳爲異事

孝女

庠生吳在寅居梁莊繼妻劉氏事姑左氏孝謹姑病

將屬續劉禱神刲股肉潛投藥中扶姑首飲之即

愈鄉里驚傳之縣令旌曰誠可回天

徐州府志

卷二十一

列女

二十五

蕭

蕭縣

明

何鑑妻吳氏年二十一鑑卒事舅姑孝謹撫孤子成

立爲鄉里所稱

穆三妻黃氏嫁六月夫亡黃矢節鞠遺腹子端黃成

立同縣王彬妻亦早寡守節訓子成學登第

黃恩妻徐氏年二十一夫亡無子舅姑欲奪其志不

從紡績自贍鄉人憐之

生員卜同妻郝氏年二十二生子週歲夫亡姑孫氏

老病郝侍養勤勞百狀病篤爲嘗糞及卒竭力以

殮隆冬惟單衣自蔽苦節終身

鄭槐妻譚氏早寡遺腹生子辟纁鞠育備諸艱苦

李宗孔妻郝氏年二十夫亡撫孤子化鵬每逢節序

及宗孔忌辰灑酒慟哭累日不食事姑尤以孝聞

朱坡妻孫氏年十九坡卒孫欲引決舅哭止之乃忍

死孝養舅姑喪葬皆以禮詔旌其門曰節孝

郝臣妻陳氏年二十夫亡舅姑皆老剪髮自誓孝事

尊嫜撫五月孤一本博學成名有司旌其門

劉楚才妻趙氏父文鑑閩人也爲蕭丞見楚才少有

奇質以文妻之氏年二十四楚才卒育遺腹子養

徐州府志

卷二十一

列女

二十六

蕭

老姑親操井自慈孝兼至

生員劉子奇妻徐氏甫生子而子奇病卒欲自經姑

泣慰之曰而翁蚤世吾所以不卽死者以汝夫在

也不幸又死汝子尚在襁褓汝死吾與汝子何歸

徐乃黽勉事姑育子以慈孝稱有司表曰雙節

孫雷妻朱氏雷負異才而夭折朱年僅二十誓以死

守偕生母潘媪蔬食終身

岳梓妻武氏國戚武迪女梓早逝訓二子鍾靈鍾傑

成立鍾傑早亡其妻劉氏亦矢志奉姑嘗割股以

愈姑疾有司表曰節孝

妻居氏

章妻王氏

妻朱氏

貢妻潘氏

生員任漢妻楊氏

王忻妻劉氏

張廷桂妻于氏

戚性妻縱氏

王文達妻劉氏

郝壽妻楊氏

徐州府志

卷二十二

列女

二十七

蕭

羅衣妻丁氏

縱鯤妻吳氏

縱三樂妻朱氏

述妻高氏

王尚員妻李氏

王印妻吳氏

張師果妻陳氏

劉遠妻孫氏

劉學易妻李氏

程址妻李氏

劉進輔妻張氏

丁世忠妻孫氏

楊善妻陶氏

李邦淵妻王氏

以上二十四人俱早寡守節撫孤成立各歷數十年

劉湘妻李氏事孀姑以孝聞夫歿守節外戶不窺歷八十餘年

任滔妻張氏夫亡年二十三一子二歲撫之使學有成姑王氏喪明每晨起漱舌飴其目未一年復明有司旌其門

葛氏葛爲締女爲郝氏婦夫死撫四歲子鐸長成娶

徐州府志

卷二十一

列女

二十八

蕭

孫氏生男甫三歲鐸復死葛同婦孫氏撫孤孫將婚又夭葛以哭泣病卒孫亦守夫墓終身

孫重盛繼妻程氏性敏慧從重盛識字一見不忘重盛死無子程以一婢給薪水閉戶不見人歷數十年

朱明諫妻孫氏夫早亡公姑繼歿孫攜孤廬二親墓身衣縗麻負土成墳三載方歸誓守數十年以終宮詔妻郝氏年十七于歸越十年詔死撫孤毓麟依母家蓬頭垢面紡績以給養姑何氏力奉甘旨後遭寇亂渡河泊異鄉姑卒以裙裹土築墓聞者爲

泣下毓麟卒成名爲諸生奉旨旌表

生員杜蒲芳妻許氏夫亡卜葬先塋側朝夕拜泣三年無間抔土築墳巍然如阜年八十餘猶哀慕弗

忘以上節婦

生員馬世錄妻王氏年二十二夫歿慟幾絕比葬欲殉者再諸媪強掖歸卒自經死鄉人悲之爭買棺以殮啓夫窆合殯焉事聞旌表

趙之璧妻馬氏璧疾禱天請代及病危遂先自經同日棺殮建坊旌表

生員彭好古妻丁氏好古勤學嬰疾丁事之至忘寢

徐州府志

卷二十一 列女

二十九

蕭

食疾革丁泣曰子危矣願同歸且不忍見子之絕也先一日自經死詔旌其門

元邦泮妻宗氏泮病歿宗從容殮畢目經死

葛爲裕妻馮氏成婚未幾給疾劇馮治棺衾訖入室

自經給亦尋卒

張恕妻蕭氏恕患病久蕭誓以死從及歿遂自經同棺葬焉事聞旌表

李世甲妻王氏嫁九月世甲病死王哭之嘔血越二

日自經以上七人皆明初人舊志屬之元以前誤

張冲奎妻徐氏奎染瘋症瘖不能言氏焚香露禱夫

亡自經未遂遂水漿不入口七日死詔建坊於趙家圈曰貞烈之門

張振鷺妻王氏夫病醫藥弗效割左股肉爲湯療之竟不起殮畢自經事聞詔旌

王氏女許字任士英聞士英力學致疾將危告其父母欲一往眎父母憐而從之得侍湯藥者三月士英卒七日不食自經死詔旌其廬

王基妻馬氏徐御史馬津孫女素嫺內則崇禎九年闖賊陷蕭夫死馬被執義不辱遂死詔旌表

任如龍妻項氏闖賊陷城夫從父遇害項被執以罵賊見殺詔旌表

徐州府志

卷二十一

列女

三十

蕭

縱鯤躍妻吳氏城破被亦尋甦明日賊退尋夫屍收殮自縊柩旁事聞旌表

郝惟肖繼室李氏爲婦以孝聞鞠前妻子無異所生夫病侍湯藥數月不懈比死自經柩旁

寇自謙妻杜氏夫婦相敬如賓自謙以無嗣多蓄妾杜愛之不妬夫亡六日閉門自經

許嘉宿妾唐氏蘇州人年十七爲側室事嫡賀甚恭生一子夭後宿病篤以死從家人竊笑之及宿彌畱唐跪宿柩前自死縣令旌曰異烈

何拱瑞 杜氏于歸後 待異症數日死杜卽自經  
寇公允 縱氏歸寇三 生一子夫亡哭之盡哀又  
一歲子病殤益哀痛 經夫柩側

陳時鳴妻翁氏嫁時值夫病劇侍湯藥唯謹及歿翁  
從容畢殮事哭不甚慟翁姑不之疑閱三日自縊  
死時年二十六

何鳴漢妻許氏夫亡水漿不入口三日自縊死  
生員徐堯臣妻許氏堯臣病卒殮畢成服從容自縊  
遺子琰纔六月後爲諸生

孟知性妻郝氏知縣玘曾孫女食貧能勞苦佐夫生  
徐州府志 卷二十一 列女 三十一 蕭  
子鎮鑰鑄錦俱教以義諸子憚之過於父流寇破  
城知性父子各相失 鑰得從郝至南門隍誠鑰  
日我婦人耳 死謝 兒不必也遂投池而死鑰  
挽不 亦觸石死

何湖 氏事 姑以孝聞丙子流寇破城携幼子  
出 賊索 錢遂 石壁破額而死越三年次  
子何岱誓報 仇從 良佐討賊血戰於蒙城死  
之

任國寶妻錢氏 我姑走鳳 巔賊執之不  
被殺血噴 卽有 數歲未

陳氏二女俱蕭人陳于前女姊適黃廷諫妹適劉希賢丙子賊破蕭姊因夫死罵賊碎軀妹不受污投火死

陳開先妻郝氏年十七千歸事翁姑以孝聞丙子城破自焚死

王鼎妻宋氏流寇過朱珊舖鼎傷股宋同子婦歐陽氏被執不汙俱死之

郝崇抱妻朱氏流寇至被執罵不絕口賊怒斷其指罵益厲復截其舌以死

葛養性妻蔣氏夫亡唯一女與孀姆王氏共守四十

徐州府志

卷二十一

列女

三十一

蕭

餘年流寇經方山執蔣索金錢給之日埋夫墓側至墓罵曰吾得死所矣賊殺之後三年袁寇大掠蕭境蔣女適徐拱杓復爲所迫携其女墜樓

以上

烈婦

楊自秀女名四姐年十五從父避亂龍蟠山中寇至欲辱之誓死不從賊怒碎其尸而去

烈女

本朝

生員朱道光妻梁氏年十七適道光越三載道光殉流寇難子允憲甫一月梁斷髮矢志依伯母棲彭城紡紉爲生積十載還家呼結廬墾荒作母病歿



厚葬之如姑子成

諸生歷四十餘年康熙十

八年 旌表

李萬蒼妻唐氏

貢生陳大壯妻任氏

以上二人皆早寡  
守節終身見舊志

生員朱鵬翮妻章氏夫亡守節不二雍正三年 旌

表

貢生吳基豫妻任氏基豫卒氏孝養舅姑撫孤成立

守節三十餘年雍正五年 旌表

朱灝妻李氏夫亡欲殉屢救得免未幾夫弟又卒舅

姑膝下無人氏竭力經營以養以葬皆無缺禮雍

徐州府志

卷二十一

列女

三十三

蕭

正十二年 旌表

吳含芳妻韓氏夫亡事姑孝守節三十六年

王名世妻張氏年二十二夫亡守節三十一年

員杜廷玉妻吳氏夫亡事姑孝教二子成立

吳兆鰲妻王氏蕭縣人夫亡守節三十二年

生張之濂妻徐氏夫亡孝事舅姑睦於宗黨

以上五人

俱奉 旨  
旌表

徐儒渥妻張氏年二十二夫亡紡績撫孤守節四十

二年乾隆四年 旌表

縱汝獬妻郭氏年二十一夫亡守節五十二年至

罕見其面乾隆四年 旌表

州同任國鏐側室岳氏鏐卒氏年廿九厲節教二子  
成立陳氏亦鏐側室生子觀澦夫婦相繼卒遺六  
歲孤賀撫之亦成立氏性恭順勤儉嫡秦氏卒兩  
子未克主喪氏獨任之教諸女紡績嫁奩資焉甘  
布蔬而惠及族黨卒年五十九乾隆七年 旌表  
生員任湯卿妻縱氏夫亡孝翁姑喪葬盡禮子復夭  
撫夫從姪爲嗣守節五十九年乾隆六年請 旌  
生員任立本妻朱氏年廿四夫亡養姑教子守節三  
十年乾隆四年 旌表

徐州府志

卷二十一

列女

三十四

蕭

生員徐廷繡妻丁氏年二十五夫亡苦節三十七年  
乾隆四年 旌表

生員李竝妻孟氏年二十四夫亡善事舅姑守節四  
十二年乾隆六年請 旌

生員朱勇妻楊氏早寡守節乾隆六年請 旌

張應龍妻呂氏年廿九夫亡矢志事繼姑孝教子聯  
炳爲諸生苦節四十二年乾隆六年請 旌

生員朱觀瀾妻祁氏銅邑生員祁先慎女翁姑病  
湯藥三年不懈 沒夫繼逝氏竭力營喪葬撫子  
之 成人守節三十二年乾隆六年

生張濂妻徐氏年二十一矢節撫遺腹汝樞至成立每謂之曰汝可以繼父吾當不負初志矣偶感微疾遂却藥絕粒卒雍正五年 旌表

生員任汝樸妻王氏汝樸卒氏視殮畢卽投繯以殉有司旌其墓

張克光妻趙氏夫病亡越七日自經

蔣流妻張氏蕭縣人夫因獲麥渡河溺死氏自經以殉乾隆六年 旌表

李晨妻程氏年二十五撫孤世偉成立偉又亡妻朱氏年廿一矢節如姑子璐成立又亡妻馬氏又矢志栢舟三世孀居族黨哀之

徐州府志

卷二十一

列女

三十五

陳氏女蕭縣人永清令陳超女也幼許字同邑朱山既及笄山請待入學而娶至女年廿二甫入學山忽病隕女聞欲自殺家人勸諭不可回其母泣言願與同死始稍進食自是截髮改容閉深室不復見人閱八載以悲死歸其棺於朱氏合葬焉

朱氏女蕭縣人許配徐州李昌龍未嫁昌龍妖女聞之慟哭自經死與昌龍合葬

黃氏女蕭縣人許字郝氏子夫亡殉死

碭山縣

元

段興妻牛氏年二十興歿宗黨 其

已定敢有復 者我當自殺 死 翁

不能自存 我一家也不 斗

奉翁姑 祭成禮教子義方至元中

朱魁妻陳氏魁早逝遺二男長肇元三歲

週陳年二十一守節課子後 成立詔

生員趙汝器妻李氏汝器卒孝 舅姑訓

按御史表其居曰節孝

毛九式妻王氏年十九夫歿遺腹生 珠

徐州府志

卷二十一

列女

三十六

碣

無以自存宗黨欲奪其志氏厲聲斥之

隆慶五年巡鹽御史張扁其居曰貞節

生員李九思妻王氏夫病齋沐祈天不獲

子末期王嚙指自誓曰 租子坐卧

一人忽寐中聞人呼口樓 矣驚寤

果傾瓦及於足下邑令劉陽表其居

亨妻李氏謙亨卧病李割股和藥籲

死子新德未 歲李竭力養

生孟 三萊故

太學生單士英妻尉氏英早逝遺一女在襁褓尉

年二十守志育女蓬首垢面績紉自食歷五十年

趙應登妻仝氏

汪殷妻劉氏

生員楊炷妻王氏

生員朱建則妻王氏

邵重謙妻李氏

戚仲行妻蕭氏

李煥星妻朱氏子之典妻陳氏

周於德妻子氏

徐州府志

卷二十一

列女

三十七

碣

屈上禮妻劉氏

生員汪 妻蔣氏

蔣燧妻

段雲龍妻曹氏

許瑄妻薛氏

以上十四人並早寡守節  
撫孤成立爲有司所旌

張氏邑庠生胡欽茲妻欽茲以義俠死張時泣訓二

子以奮勵雪父冤值歲凶紡緝自贍延師課子其

子惺心從心皆爲諸生

以上  
節婦

監生王炆妻孟氏炆死父年逾八十子七人皆幼孟

仰事俯育舅病湯藥不愈刲股以進比亡葬之成

禮撫七孤

劉愚妻段氏碭山人愚父八旬患病思食肉春荒家  
窘又居村落肉難猝至段潛割股奉之病卽愈

以上

孝婦

劉卿妻張氏年十六歸卿正德壬申流賊破碭山盡  
殺男子驅婦女入營張憤擊賊而罵不絕口賊怒  
舉刀先截其掌復刺二刀肆其屍於東門上  
馬鼎妻武氏爲賊所執賊予之食罵曰我良家子肯  
從爾賊欲速死賊猶未怒武乃擲食於地罵益厲  
賊怒殺之

徐州府志

卷二十一

列女

三十八

碭

趙鉄妻陳氏居村中賊至舉火焚村落陳慮出門爲  
賊辱投烈焰中死

黃文華妻李氏流寇犯碭山李與夫糾義勇百餘人  
乘夜襲擊賊營大敗之明日賊復至夫婦率數十  
人轉鬪二十餘里方竭援不至賊欲降之不屈遂  
俱死其子生員玉色輿歸葬焉

此婦當  
爲義烈

許璟妻劉氏年十八歸璟璟臥病經年劉侍湯藥祈  
禱不懈璟亡家人號泣劉卽乘間投深潭中家人  
出之痛哭三晝夜卒自縊死詔賜乾坤正氣

於門

文煥妻程氏年十九煥得疾暴死程觸地烈頹誓以死殉母與太姑苦勸止越兩日卒縊死奉旨旌表

劉爆妻吳氏爆臥病經年吳日夜悲痛及歿殮畢遂自縊詔旌表

劉崇基妻李氏年十八適崇基家貧躬紡織飲食必先奉舅姑崇基病傾奩資市藥及死誓以身殉舅姑固止李曰劉氏姊能殉許璟我何可覩然以生遂自經死事聞旌表

四段氏本姊妹一適毛九韶年十六九韶歿欲以死

殉家人防之嚴起居食息與一老嫗俱歲除歸寧或慰之曰爾上下無倚誰見爾名節氏怒辭詣夫墓大慟歸卽自經死一適生員張拱辰年十九值歸寧拱辰爲盜所殺氏欲自盡以有娠中止尋產男五日而夭不食七日自縊死一適監生薛銳銳疾革氏顛天刲股和藥不效氏哭之過哀尋亦死一適李崇謙爲處子時以孝聞年二十三崇謙卒卽自經家人救之甦不食三日伺防者稍解仍自縊死

向希堯妻朱氏年十八希堯邁疾將革朱許以死殉

母

爲一粥

入厨

以

柩而絕

聞旌表

張文煒妻汪氏年十七于歸孝事舅姑姑李病汪

湯藥及死脫簪珥辦殮具無何文煒歿遺孤

月泣語小姑曰孤非成人相吾志決矣乘夜北

父母宅叩首曰無以報吾父有死耳改吉服縊死

生員王國光妻焦氏居常以順謹聞年二十一國

病歿 自縊

徐州府志

卷二十一

列女

四十

碭

監生湯執中妻張氏執中病二載張侍湯藥不懈及

病革誓以死狗母丁寧解勸張曰吾志決矣遂自

縊

生員汪允復妻郭氏允復以天啟七年赴試得病歸

死氏號泣願與合殯遂自經

生員單士進妻王氏士進病侍湯藥經年不懈嘉靖

癸亥春士進死王觸棺破而折 家人 之不得

越宿乘間自經時年二十

陳煌妻汪氏夫亡即絕 拜翁姑越三日自盡

汪儀 妻張氏年

夜匪 及



歿自經以殉事聞旌表

苑守政妻展氏夫病躬勤湯藥及歿撫棺痛哭遂自  
縊越數日神色不變

王旦起 陳氏旦起病陳晝侍湯藥夜則焚香請代

及歿卽自縊以殉

以上烈婦

程氏女名恩智襁褓時父許字里人王守仲守仲殤  
女年纔十四飲淚茹酸父母弔守仲願隨往父母  
大恚不許囑其妹伴之給妹暫出外卽自縊於寢  
所父母歸見女面向守仲家含笑如生事聞旌表

烈女

徐州府志

卷二十一

列女

四十一

碭

本朝

監生龐猶龍妻臧氏妾郝氏俱碭山人明末寇亂猶  
龍糾義勇禦賊遇害其父倉皇出奔二氏不及從  
攜孤兒潛匿尋聞翁歿於豐二氏方病疫遽起赴  
之宗人以道粳勸阻不聽遂行晚憩荒寺前假寐  
忽聞人呼之曰起起賊至矣驚覺疾行甫一里許  
賊衆嘯聚於寺火光燭天矣比至豐人問其來自  
碭咸大驚俄有奴盡竊其箱篋以去二氏大窘僅  
餘二簪易木棉紡績自活每一撫棺嘔血滿地亂  
定扶櫬還鄉田產已爲人占據訟於官得追還

人陰欲賊害二氏常置孤樓上夜臥數移其  
年乃定後其孤瑄能讀書爲諸生孫曾十餘人  
成名二氏守節五十餘年年各八十三卒雍正十  
三年 旌表

邵節妻時氏碭山人年十九夫亡撫遺農子宸相  
長教之入學守節數十年

汪釗妻曹氏碭山人年二十夫亡撫二幼子奉翁姑  
甚謹守節六十年康熙五十七年 旌表

生員徐珍妻竇氏碭山人有婦德自少及老其孝思  
儉勤人多稱之至康熙六十年年百有四歲尚強

徐州府志

卷二十一

列女

四十一

碭

健能紡績

李克實妻馬氏碭山人年十八年子未滿三月夫病  
亡值明季流賊亂氏抱嬰兒痛哭求免賊不忍害  
捨去後教子成立守節五十餘年

朱昱妻張氏碭山人順治七年流賊任七作亂其家  
二十七口皆爲賊所害惟氏抱子墜樓死復甦晝  
夜悲號紡績自給撫子本立成人娶媳蔣氏本立  
又早亡蔣撫周歲孤事孀姑兩世奇節里人敬之  
紀良彥妻于氏碭山人年二十而寡遺孤景期甫十  
月氏上事翁姑鞠子成立娶婦張氏生一子景期

又歿張亦撫孤守節終身

監生汪永祐妻李氏碭山人年二十三夫死止女氏嚙指血題夫主事皆請命朝夕薦食夜則寢處靈傍終身如一日

生員陳琮妻曹氏碭山人夫與姑俱多病氏奉湯藥歷四年夫亡姑臥牀又十三年而歿氏前後奉侍辛苦萬狀訓子成立守節三十七年

王明照妻許氏碭山人夫歿晝樵夜織以養翁姑撫三歲孤永福成立永福歿又撫其孫孫又殤翁姑繼歿氏哭之兩目俱瞽

徐州府志

卷二十一

列女

四十二

碭

生員白振銓妻邢氏碭山人年二十二夫亡晝夜紡績苦節課子姑兩目盲氏日焚香禱神遂復明崔澍妻蔣氏碭山人澍幼孤母楊氏撫之娶氏未及二載而澍亡氏泣曰吾非不能殉夫於地下也但念孀姑誰倚於是紡績以養三十年如一日州牧旌之曰巾幗完人

李存政妻汪氏碭山人年二十而寡養親教子終身布素

蔣中藩妻戚氏夫早歿奉翁姑撫二子成立

張氏徐州貢生張炯女適碭山貢生汪在汭事孀姑

甚孝姑病劇醫云難治氏極力扶持籲天求代姑  
竟愈數年乃歿夫臨卒指孤兒目氏氏許以守節  
教孤督課勤勤或繼以泣子亦感奮雍正十一年

旌表

生員黃瑞璋妻汪氏碭山人瑞璋生八月父母俱亡  
養於伯父遂爲繼嗣氏年十九于歸生二子天植  
天錫瑞璋卒氏守節教子念夫本生父母無他子  
以天植承大宗天錫嗣本生邑人稱其節義雍正  
十一年 旌表

王廷璋妻吳氏碭山人雍正十三年以早寡完節

徐州府志

卷二十一

列女

四十四

碭

旌表

紀鼎耀妻汪氏生員汪裕民女年二十于歸七載夫  
亡遺孤甫四歲族人欲奪其志氏破冰投水以救  
免守節五十二年卒乾隆五年 旌表

生員王之彬妻李氏早寡完節乾隆六年請 旌

生員陳岫妻孫氏夫亡守節終身乾隆六年請 旌

以上  
節婦

張氏單縣人年十七適碭山陳美能修婦職姑嬰痼  
疾醫云不治張禱於神夜夢神語曰汝姑當死惟  
汝能救之寤卽割股肉調羹以進三日遂豁然有

司旌其門

戚价妻黃氏碭山人姑衰老氏以乳哺姑姑歿孝翁倍至與价同心奉養四十年不少倦

廩生汪則良妻吳氏碭山人姑病不能食須乳氏守榻前乳姑十四年始歿事翁益孝同里張鳴鳳妻亦以乳姑著稱

陳世泰妻楊氏碭山人刲臂療姑

以上孝婦

汪銑妻馮氏碭山人父知已通判饒州銑偕氏往省病歿署中氏投繯救免父母勸以宜待翁來越兩月翁至卽自縊夫櫬旁

徐州府志

卷二十一

列女

四十五

碭

趙汝翰妻胡氏徐州衛人家碭山年十七于歸克嫻婦道閱四載夫亡殮訖卽自縊

王四美妻蕭氏碭山人賢而無子以夫兄子爲嗣夫病歿嗣子繼歿氏哀痛不食七日死

商啓妻劉氏碭山人嫁逾年夫病每夜禱天願以身代及歿氏不食不哭旣殮更衣拜柩前又拜其姑自縊柩旁縣令爲勒石表墓

張世則妻劉氏碭山人幼失母養於夫家能孝舅姑及長婚配未幾夫病亡氏號哭覓死姑防之甚密數日稍懈乘間自經

單德宏妻張氏碭山人夫亡無子自經以殉鄉人爲立石

張淳妻汪氏碭山人夫臨歿一女僅三月矚目女存與存氏守節十五年女復亡號泣曰可下報吾夫矣遂自經

李東里妻劉氏碭山人孝翁姑和妯娌鄉黨稱之夫病亡氏年二十二無子自縊以殉

監生周之楷妻呂氏碭山人夫亡無子沐浴更衣拜夫柩自經死

于唐妻王氏碭山人夫亡無子喪畢上夫墓痛哭歸

徐州府志

卷二十一

列女

四十六

碭

除服卽於是夜自經時年二十四

陳啟光妻李氏碭山人夫死殮畢自經

范五妻魏氏碭山人夫亡自經

監生李善彰妻汪氏碭山人年十九適李僅八月夫病篤先夫一日自經死

仝器妻連氏碭山人性貞靜事翁姑孝年二十一夫亡自經以殉

竇正巳妻戚氏碭山人嫁逾年夫歿視殮畢卽自經

趙之蘭妻米氏碭山人年二十一夫亡自經

陳奕暉妾談氏碭山人奕暉歿投繯以殉乾隆三年

旌表

王裴然妻張氏夫亡無子母許以喪滿擇配氏聞言號泣云貧不能守節願從夫死逮夜閉戶自經乾隆六年請旌

隆六年請旌

徐允昌妻毛氏碭山人夫亡以子女託伯元會撫養乘間自經

生員楊鍍妻張氏碭山人夫亡遺子女二氏矢志守節教子應童子試子忽病殤以夫死子亡遂自縊

劉大木妻馮氏碭山人夫亡氏年二十誓以身殉親黨勉以撫孤及孤殤卽於是夜自經以上烈婦

徐州府志

卷二十一

列女

四十七

碭

彭氏女宿遷遊擊彭鎮女許字碭山汪諄將擇吉完婚諄忽病死父匿不與知女窺父有憂容泣叩其故以實告遂不食臨歿告父母必葬我於汪氏父憐其志送柩至碭山與諄合葬

徐禹治女碭山人九歲時許字魏氏子典年十七典亡女聞之不食自縊家人救免後數日仍自經死歐陽氏女碭山人許字王氏子夫亡父更議婚女聞投井死

杜氏女碭山人許字戴允謙允謙歿女年十八請於父母往夫家臨棺號慟乘間自縊以上烈女

戚勒猷妻于氏夫亡氏年廿一矢志撫襁褓子  
翁姑子復殤嗣立延祀翁歿盡哀事姑敬順  
踰五十矣